

O'ZBEKISTON RESPUBLIKASI
OLIY TA'LIM, FAN VA INNOVATSIYALAR VAZIRLIGI
FARG'ONA DAVLAT UNIVERSITETI

**FarDU.
ILMIY
XABARLAR-**

1995 yildan nashr etiladi
Yilda 6 marta chiqadi

3-2023

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

B.Sh.Shermuhammadov, A.U.G'ofurov	
Bo'lajak jismoniy tarbiya o'qituvchilarining sport turizmiga doir bilimlarini rivojlantirishning tashkiliy-pedagogik mazmuni	9
B.Sh.Shermuhammadov, D.R.Murodova	
Fanlararo integratsiya asosida bo'lajak musiqa ta'llimi o'qituvchilarining badiiy-estetik kompetentligini rivojlantirishning pedagogik modeli	16
N.M.O'ranova	
Xorijiy ta'lilda tyutorlik faoliyatining mohiyati va funksiyalari	20
B.X.Baydjanov, M.R.Maxkamov	
Boshlang'ich sinf o'quvchilarining ijodiy muloqot qilish qobiliyatlarini shakllantirish	24
B.A.Umarov	
Raqamli texnologiyalar vositasida pedagoglarning professional kompetentligini rivojlantirish tamoyillari	28
I.M.Saidov	
Vatanparvarlik va yuksak ma'naviy tarbiya - uchinchi renessans poydevorining omili	33
M.I.Alimjonova	
Ta'larning globallashuvi sharoitida talabalarda madaniyatlararo muloqot kompetentligini rivojlantirishning pedagogik mazmuni.....	37
I.I.Yo'ibarsova	
Talabalarda bioetik madaniyatni rivojlantirishning ijtimoiy-tarixiy an'analari hamda zamonaviy yondashuvlari.....	45
M.I.Alimjonova	
Talabalarni madaniyatlararo muloqot kompetentligini rivojlantirishning pedagogik modeli.....	49
F.A.Ibroximov, B.M.Jo'raqo'ziyev	
Mafkuraviy immunitet va uning zarurati	56
Z.J.Pardaeva	
Mustaqillik davri o'zbek romanchiligi: badiiy va ilmiy tafakkur masalalari.....	60
F.A.Ibroximov	
Huquqiy fanlarni o'qitilishidagi uzviylik va uzluksizlikning mavjud holati.....	70
L.D.Tuganova	
Gender va ta'lilda tenglik muammosi	75
Sh.X.Tog'aev	
Ijtimoiy-gumanitar fanlarni o'qitish samaradorligini oshirishning ilmiy-uslubiy masalalari	78
A.R.Saydullayeva	
Talabalarda gender madaniyatini rivojlantirishning tuzilishi va tarkibiy qismlari	83
G.S.Raxmonova	
Nostandart tafakkur tarzini rivojlantirishda mustaqil ishlarning pedagogik imkoniyatlari.....	87
M.R.Usmanov	
O'tish davri yoshidagi ruhiy o'zgarishlarning rivojlanish xususiyatlari.....	93
X.Y.Jo'rayeva, M.T.Turkistonova	
Oliy ta'lim muassasalarida biologiya fanlarini o'qitishning nazariy asoslari	97
E.S.Yuldashev	
Bo'lg'usi o'qituvchilarda suggestiv qobiliyatlarni rivojlantirishning ilmiy-pedagogik asoslari	101
G.B.Karimova	
Jismoniy tarbiya fanning interfaol ta'lim usullari va ularni innovatsion faoliyatini shakllantirish	107
F.O.Toshboltayev	
Zamonaviy ta'lilda pedagogik imkoniyatlar va axborot texnologiyalari integratsiyasini ta'minlash	111
S.D.Akzamov	
Jismoniy tarbiya fani bo'yicha sinfdan tashqari ishlarni bolalar va o'smirlar organizmiga ta'siri.....	115

HUQUQIY FANLARNI O'QITILISHIDAGI UZVIYLIK VA UZLUKSIZLIKNING MAVJUD HOLATI

**СОВРЕМЕННОЕ СОСТОЯНИЕ ИНТЕГРАЦИИ И ПРЕЕМСТВЕННОСТИ
ПРЕПОДАВАНИЯ ЮРИДИЧЕСКИХ НАУК**

CURRENT STATE OF INTEGRATION AND CONTINUITY OF TEACHING LEGAL SCIENCES

Ibroximov Farxodjon Anvarjon o'g'li¹

Ibroximov Farxodjon Anvarjon o'g'li

– Chirchiq davlat pedagogika universiteti tayanch doktoranti

Annotatsiya

Mazkur maqolada yurtimiz ta'lif muassasalarida olib borilayotgan huquqiy fanlar bo'yicha dars mashg'ulotlari, bu jarayonda ta'lif mazmuni uzviyligining ta'minlanishi mavjud holati, mavjud muammo va kamchiliklar, ularning yechimiga doir masalalar ilmiy-metodik tahlil qilingan. Shu bilan birga, huquqiy ta'llimning samaradorligiga xizmat qiluvchi zamonaviy yondashuvlar, ularning huquq dars mashg'ulotlarida qo'llashga oid tavsiyalar xorijiy va mahalliy tajribalardan kelib chiqib ilgari surilgan. O'zbekiston Respublikasida Inson huquqlari sohasidagi Milliy ta'lif dasturining mazmun-mohiyatini yoritish ham maqsad qilingan. O'rganilgan holatlar tahlilidan kelib chiqib, o'quvchi-yoshlarning huquqiy madaniyatini va huquqiy masalalarda faoliyat yuritish – munosabat bildirish ko'nikmalarini oshirishga doir takliflar ilgari surilgan.

Аннотация

В данной статье проводится научно-методический анализ правовых исследований, проводимых в образовательных учреждениях нашей страны, современное состояние обеспечения целостности содержания образования в этом процессе, существующие проблемы и недостатки, вопросы, связанные с их решением. При этом на основе зарубежного и отечественного опыта выдвинуты современные подходы, служащие эффективности юридического образования, рекомендации по их применению на юридических занятиях. Также призвано разъяснить сущность Национальной образовательной программы в области прав человека в Республике Узбекистан. На основе анализа изученных дел были выдвинуты предложения по повышению правовой культуры студентов и навыков действия и реагирования на правовые вопросы.

Abstract

In this article, there is a scientific and methodical analysis of the lessons of legal subjects conducted in the educational institutions of our country, the current state of ensuring the integrity of the educational content in this process, the existing problems and shortcomings, and the issues related to their solution. At the same time, modern approaches that serve the effectiveness of legal education, recommendations for their application in law classes have been put forward based on foreign and local experiences. It is also intended to clarify the essence of the National Education Program in the field of Human Rights in the Republic of Uzbekistan. Based on the analysis of the studied cases, proposals were put forward to improve the legal culture of students and the skills of acting and reacting to legal issues.

Kalit so'zlar: Inson huquqlari sohasidagi Milliy ta'lif dasturi, ta'limda uzviylik, huquqiy fanlar tasnifi, zamonaviy yondashuv va metodlar, tizimli-strukturaviy yondashuv, mavjud muammolar, sindan tashqari ta'lif, keys va kazuslar, birgalikda o'rganish.

Ключевые слова: Национальная программа образования в области прав человека, добросовестность в образовании, классификация субъектов права, современный подход и методы, системно-структурный подход, существующие проблемы, внеклассное обучение, кейсы и кейсы, совместное обучение.

Key words: National Human Rights Education Program, integrity in education, classification of legal subjects, modern approach and methods, systemic-structural approach, existing problems, out-of-class education, cases and cases, joint learning.

KIRISH

Ma'lumki, ta'lif tizimida yuksak samaradorlikka erishish nafaqat milliy muammolarni, balki mintaqaviy hamda global muammolarni hal etishning ham asosiy va yagona yechimi hisoblanadi. Bu esa ta'limda uzviylikning ta'minlanishi hamda sifatli, yetuk malakali, sog'lom va mustaqil fikrli kadrlarning tayyorlanishi bilan belgilanadi. Shuni anglagan holda O'zbekiston Respublikasining "Ta'lif to'g'risida"gi qonunida "Ta'llimning uzlucksizligi va izchilligi" alohida tamoyil sifatida belgilangan.[1] Davlat ta'lif standartining markazida, barcha mamlakatlar ta'lif tizimida bo'lgani kabi uzlucksizlik tamoyili turadi. Vazirlar Mahkamasining 2017-yil 6-apreldagi 187-son qaror bilan tasdiqlangan "Umumiyo o'rta ta'llimning davlat ta'lif standarti"da ham umumiyo o'rta ta'llimning boshqa ta'lif turlari va

PEDAGOGIKA

bosqichlari bilan uzuksizligi va ta'lim mazmunining uzviyiligi Umumiy o'rta ta'lim davlat ta'lim standartining asosiy prinsiplaridan etib belgilangan.

Barcha predmetlar singari huquqiy fanlarning o'qitilishida ham bu tamoyilning to'laqonli ta'minlanishiga erishish fanni o'qitish metodikasi bilan bevosita bog'liq.

Ta'limning uzuksizligi - bu bola rivojlanishining barcha bosqichlarida yagona uzuksiz ta'lim jarayonini yaratish uchun o'qitish va tarbiyalashning asosiy vazifalari, mazmuni va usullarining o'zaro ta'sirini ta'minlaydigan aloqalar tizimi.

Mashg'ulotlarning har bir vaqt oralig'ida o'qituvchi aniq vazifalarni hal qiladi. Bu vazifalarning aloqadorligi va uzuksizligi o'quvchilarining bilish, xulq-atvor va faoliyat(aytish mumkin bo'lsa huquqiy madaniyatining oddiy shakllaridan murakkabroq shakllariga o'tishi, ularning izchil hal etilishini ta'minlash uchun sharoit yaratadi. Tizimlilik va izchillik ma'lum bir o'quv materialini o'zlashtirish tezligini, ularning taqqoslanishi va qiymatini tahmin qilish imkonini beradi. K.D.Ushinskiy "obyektlarning mohiyatidan kelib chiqadigan, albatta, oqilona tizimgina bizga bilimlarimiz ustidan to'liq hokimiyat beradi", deb hisoblagan.[2] O'qitishdagi izchillik va tizimlilik fanlar bo'icha bilim, ko'nikma va malakalar tizimini shakllantirish zarurati bilan dunyoga yaxlit konseptual qarashni shakllantirish o'rtasidagi ziddiyatni hal qilishga imkon beradi. Bu, birinchi navbatda, dasturlar va darsliklarning tizimli qurilishi, fanlararo aloqalarni yo'lga qo'yish bilan ta'minlanadi.

Bugungi kunda ta'lim tizimidagi islohotlar natijasida mamlakatimizda ta'lim muassasalari soni va sifati tobora o'sib bormoqda. Agar 2018-yilda mamlakatimizda 9 774 ta umumiy o'rta ta'lim muassasalari faoliyat yuritgan bo'lsa, bugungi kunda ularning soni 10 289 tani tashkil etib, 2018-yilga nisbatan 515 taga ko'payganini ko'rishimiz mumkin. Nodavlat umumta'lim tashkilotlari soni esa 135 tani tashkil etmoqda. Stat.edu.uz sayti ma'lumotlariga e'tibor qaratsak, ayni vaqtida O'zbekistonda 210 ta oliy ta'lim muassasalari, shu jumladan 30 ta xorijiy OTM lar, 65 ta nodavlat OTM lar hamda 115 ta davlat OTMlari faoliyat yuritmoqda.[3]

Huquqiy ong va huquqiy madaniyatni yuksaltirib borish qonun ustuvorligini ta'minlash va qonuniylikni mustahkamlashning eng muhim shartlaridan biri hisoblanadi. So'nggi yillarda milliy huquq tizimini tubdan isloh qilish, huquqiy madaniyatni shakllantirish hamda malakali yuridik kadrlarni tayyorlash borasida sezilarli ishlar amalga oshirildi. Shu bilan birga, inson huquq va erkinliklariga hurmat munosabatini shakllantirishga, maktabgacha, umumiy o'rta, professional va oliy ta'lim tizimlarida ta'lim olayotgan o'quvchi-yoshlarda huquqiy ongi va huquqiy madaniyatini yuksaltirishga, ta'lim oluvchilarining huquqiy savodxonligi darajasini oshirishga to'sqinlik qiluvchi bir qator muammo va kamchiliklar saqlanib qolinmoqda. Xususan, huquqiy madaniyatni yuksaltirishda, eng avvalo, huquqiy ta'lim va tarbiya borasidagi ishlar tizimli va uzviy olib borilmayapti. Uzoq yillar davomida bu masala huquqni muhofaza qiluvchi organlar va ayrim davlat organlarining ishi sifatida qarab kelinib, bunda oila, mahalla va fuqarolik jamiyatni boshqa institutlarining ishtiroti yetaricha ta'minlanmagan.

Umumiy o'rta, professional va oliy ta'lim tizimlarida ta'lim olayotgan o'quvchilarining huquqiy tarbiyasiga salbiy ta'sir ko'rsatuvchi omillarga nisbatan huquqiy immunitetni shakllantirish, har bir shaxsda qonunlarga va odob-axloq qoidalariga hurmat, milliy qadriyatlarga sadoqat, huquqbazarliklarga nisbatan murosasizlik hissini uyg'otish ishiga kompleks tarzda yondashilmadi.

Maktabgacha, umumiy o'rta, professional va oliy ta'lim tizimlarida ta'lim olayotgan o'quvchilarining huquqiy bilimlarini oshirishga doir vazifalarning umumiy tusda belgilanganligi hamda ularni amalga oshirishning aniq ta'sirchan mexanizmi mavjud emasligi jamiyatda huquqiy madaniyatni yuksaltirish borasidagi ishlarning samarasiz olib borilayotganligini ko'rsatadi.

Ta'lim bosqichlari o'quvchi va tarbiyalanuvchilarining huquqiy ongi va huquqiy madaniyatini yuksaltirishga doir ishlar samaradorligini yanada takomillashtirish, ularning ijtimoiy-siyosiy o'zgarishlar bilan uyg'un ravishda huquqiy bilimlarini oshirib borishning zamonaviy usullarini joriy etish, shuningdek, aholini, yoshlarni zararli axborotlardan himoya qilish bo'yicha mustahkam huquqiy immunitetni shakllantirish maqsadga muvofiqdir.

Iqtisodiyotning barcha sohalarini raqamli texnologiyalar asosida yangilashni nazarda tutadigan "Raqamli O'zbekiston – 2030" dasturini ishlab chiqish va joriy etish vazifalari belgilandi. Bu esa sanoatning yetakchi tarmoqlarini modernizatsiyalash va raqobatdoshlikni kuchaytirish, sohaga ilg'or texnologiyalarni joriy etish, yuqori texnologiyali korxonalar, texnoparklar, ishlab chiqarish korxonalari tashkil etish, zamonaviy muhandislik-kommunikatsiya infratuzilmalarini barpo etishga yanada keng imkoniyatlar yaratadi. Bugungi kunda maktabgacha, umumiy o'rta, professional va oliy ta'lim tizimlarida ta'lim olayotgan o'quvchi, talabalarda huquqiy ong va huquqiy madaniyatni yuksaltirish juda

zarur. Bu omil nafaqat milliy doirada, balki xalqaro doiradagi masalalar uchun ham yechim bo'la olishini inobatga olinib, davlatimiz rahbari tomonidan BMT Bosh Assambleyasining 72-sessiyasida "Yoshlar huquqlari to'g'risida"gi xalqaro konvensiyani ishlab chiqishni taklif etilgan.

Huquqiy fanlar o'quv mashg'uloti mazmuni va uni taqdim etish usullari o'quvchilarga hayotda kerakli huquqiy ko'nikmalarni shakllantirishi hamda ularning huquqiy ongi va madaniyatini oshirishga xizmat qilishi kerak. Shu boisdan ham huquqiy ta'lif mantiqiy ketma-ketlikda amalga oshiriladi.

Umumiylar huquqiy fanlarni quyidagicha tasniflashimiz mumkin:

1. *Tarixiy-nazariy huquqiy fanlar*. Bu guruh fanlarga Davlat va huquq nazariyasi, davlat va huquq tarixi, siyosiy-huquqiy ta'lifotlar kabi fanlar taaluqli bo'lib, ular orqali o'quvchilarning umumhuquqiy terminlarga munosabati shakllantiriladi.

2. *Maxsus huquqiy fanlar*. Konstitutsiyaviy huquq, Oila, Fuqarolik, Jinoyat, Tadbirkorlik, Mehnat, Ijtimoiy ta'minot huquqi kabi huquqning muayyan sohasiga oid bilimlarni va masalalarni o'rganish va tahlil etish vazifasini bajaruvchi fanlar bo'lib hisoblanadi.

3. *Amaliy-huquqiy fanlar*. Dakteleskopiya (barmoq izlarini aniqlash haqidagi), sud bugalteriyasi, sud psixiatriyasi kabi huquqning amaliy muammolarini bevosita o'rganish bilan shug'ullanuvchi fanlardir.

Huquqiy bilim va ko'nikmalarning uzlusizligi aspekti o'quvchilarda ijtimoiy-huquqiy munosabatlarning tartibga solinishi zaruratini, huquqiy-axloqiy tafakkurini shakllantirishni ta'minlaydi ya'ni butun mifikta ta'lifi davomida shakllanadigan o'quvchilarning huquqiy madaniyati elementlarini shakllantirish vazifasini bajaradi. Har bir bosqich vazifalarini bajarilishini ta'minlash asosida huquqiy ta'lif tiziminining uzlusizligini amalga oshirish uning sifatini oshirishga xizmat qiladi.

Ayni vaqtida mamlaktimiz umumta'lif maktablarida bu fanga quyidagicha soat ajratilganini ko'rishimiz mumkin: 8-sinfda 34 soatda hajmda Huquqshunoslik darsi mashg'ulolarida umumiy huquqiy tushunchalar va O'zbekiston Huquqiy tizimi haqida dastlabki bilimlar berildi.

9-sinfda 34 soatda hajmda O'zbekiston Respublikasi Konstitutsiyaviy huquqi fani bo'yicha dars mashg'ulotlarida asosiy huquq sohasi bo'lgan Konstitutsiyaviy huquqning huquq tizimida tutgan o'rni va ular bilan nisbati yoritilishi, Konstitutsiya qoidalari bilan tahliliy tanishtirilishi lozim. 10-sinfda O'zbekiston Respublikasining xalqaro huquqiy munsabatlar subyekti sifatidagi huquq va majburiyatlari, Konstitutsiyaviy prinsplar, Ma'muriy huquq, Fuqarolik huquqi va Mehnat huquqi qonunchiligining asosiy norma-qoidalari real hayotiy kazuslar bilan tushuntirilishi va zaruriy hayotiy huquqiy ko'nikmalar shakllantirilishi lozim. 11-sinfda esa 34 soat yillik hajmda Davlat va huquq asoslari fani mashg'ulotlarida Oila huquqi, Jinoyat huquqi, Moliya huquqi, Ekologiya huquqi va protsessual huquqqa oid bo'lgan huquqiy munosabatlar, ularning jamiyat hayotidagi ahamiyati, tartibga solish mexanizmlari o'rgatiladi.

Huquqshunoslik fanlarini o'qitishning turli darajalariga o'tishda uzlusizlik masalalarini va ularni ta'minlash muammolarini quyidagi darajasida ko'rib chiqish zarur:

- maqsad va vazifalar (har bir bosqich, mavzuda uning asl maqsadi va shu masadga eltuvchi aniq vazifalarni belgilab olishda hamda shu vazifalarni to'liq amalga oshirishga to'sqinlik qiluvchi omillarning mavjudligi, boshqa sohalarda bo'lgani kabi faqat rasmiy hujjalarga birinchi darajali e'tibor qaratilishi natijasida asosiy maqsadga erishilmasligi);

- darsliklarning mazmunidan kelib chiquvchi masalalar (darsliklar tiziminining o'zaro mutanosibligidagi izchillikning yo'qolish holatlari);

- ta'larning tashkiliy shakllari (an'anaviy dars metod va vositalardan keng foydalanilishi, aytish mumkin bo'lsa faqat an'anaviy metodlarning ustuvorligi, ya'ni ekskursiya shaklida, bevosita ko'rgazmali jarayonlar (masalan, sud-huquq idoralariga, deputatlar kengashlariga, Arxiv bo'limlariga tashrif buyurish) da olib borilmasligi);

- rejalashtirilgan tadbirlar (tadbirlarning o'quv vaqtida o'tkazilishi hisobiga dars mashg'ulotlarining ma'lum qismlari haqida ma'lumot berilmasligi);

- birlgilikda harakat qilish ko'nikmasining shakllantirilmaganligi (ayrim xorijiy ta'lif muassasalarida berilgan vazifani bajarishda bir necha o'quvchi birlgilikda, har biri o'z imkoniyatidan kelib chiqib taqsimlangan qismini o'rganib, qolgan qismini bir-biriga o'rgatish malakalarining yetarli emasligi) va h.k.

"Uzlusizlik deganda, ta'larning turli bosqichlari va shakllari chegaralaridagi uzlusizlik tushuniladi. Bularning pirovardida – ta'larning yaxlit tizimi doirasida ushbu bosqichlar yoki shakllarning yagona tashkil etilishi nazarda tutiladi".[4]

PEDAGOGIKA

Barcha ta'lif jarayonlarida uning maqsad va xususiyatlari, zamon talablariga mos va xos bo'lgan metodlarni to'g'ri tanlay bilishlik soha faoliyatining samarasini kafolatlaydi. Shu bois ham ingliz mutaffakkiri F.Bekon metodni yo'lni yoritib boruvchi "fonus chiroq"qa qiyoslagan.[5]

Zamonaviy o'qituvchi nafaqat uslubiy fikrlash va mustaqil tadqiqot ishlarini olib borish qobiliyatiga ega bo'lishi kerak, ayniqsa keng tanlov dasturlari, darsliklar, o'qitish texnologiyalari kontekstida, balki ijodiy qobiliyatlarga ham ega bo'lishi kerak. O'qituvchining kasbiy mahorati tadqiqot usullariga ega bo'lishni ham anglatadi.

Ulardan foydalanish zamonaviy ta'lif muammolarini muvaffaqiyatli hal qilish zarurati bilan bog'liq. Bu yondashuv va metodlardan ayrimlarini ko'rib chiqsak.

Tizimli-strukturaviy yondashuv. Tizimli-strukturaviy yondashuv shundan iboratki, o'rganish predmeti o'zaro bog'langan elementlardan tashkil topgan yaxlit tizim sifatida qaralib, birinchi navbatda bu elementlar orasidagi munosabatlar va o'zaro ta'sir o'rganiladi.

Bu yondashuvda o'rganilayotgan obyektni butun bir olam tizimida tutgan o'rni, o'zaro bog'liqligi va ahamiyati kabi masalalar *umumiylidan xususiylikka tomon* metodi yordamida yoritiladi.

Nazariy yondashuv. Shu obyektga aloqador nazariy bilimlarni umumlashtirib xulosa qilish. Nazariy usullarni qo'llash tizimli-strukturaviy, tipologik va tarixiy kabi bir qator yondashuvlarga asoslanadi. Ular o'rganilayotgan hodisa va jarayonlarning qonuniyatlarini ochib berishga imkon beradi.

Tipologik yondashuv. Bu yondashuv esa o'rganilayotgan obyektning shu turdag'i boshqa obyektlar bilan o'zaro bog'liqligi va o'ziga xos xususiyatlarini ochib berishga xizmat qiladi.

Tipologik yondashuvni qo'llash o'rganilayotgan obyektlar va hodisalarini guruhlash va ularning muhim xususiyatlarini ajratib ko'rsatish imkonini beradi. Tipologik yondashuvdan amalda foydalaniilganda metodologiya fanining barcha muammolari o'rganiladi.

Tarixiy yondashuv esa o'quvchilarning barcha fanlardan olgan bilimarini o'zaro birgalikda qo'llab umumiylar xulosa olishga xizmat qiladi, mustaqil fikrlash qobiliyati ortishiga, masalaga turli nuqtai nazardan yondoshishga chorlaydi.

Huquqshunoslik fanlarini o'qitishda amaliy yo'naltirilganlik tamoyilini amalga oshirishga yo'naltirilgan ishlarning maqsad va natijalariga samarali erishish uchun quyidagi tavsiyalarga amal qilish zarur, deb hisoblaymiz:

1. O'qitish mahoratining muvaffaqiyati ko'p jihatdan uzuksizlik, ularning darsdan darsga, bir mavzudan ikkinchisiga o'tishi bilan belgilanadi. O'qituvchi malakani egallash darajasini doimiy ravishda kuzatib borishi kerak. Bu jarayon taqvim-tematik rejalshtirish to'plamida aks ettirilishi kerak.

Bundan tashqari, turli darslar orasida tematik rejalarini tuzishda, asosiy vazifasi o'quvchilarning huquqiy ko'nikmalarini shakllantirish va takomillashtirishdan iborat bo'lgan maxsus darslarni ajratib ko'rsatish tavsiya etiladi. Bunday darslar amaliy mashg'ulotlar sifatida olib boriladi, ular didaktik maqsadiga ko'ra harakatning texnikasi va usullarini o'rgatish, ularni tizimlashtirish va umumlashtirish, shuningdek, maktab o'quvchilarining muayyan ko'nikmalarni egallash darajasini tekshirish (nazorat qilish)ga qaratililishi lozim.

2. Maktab o'quvchilarining malakasini shakllantirish va rivojlantirish ishlarini fan o'qituvchilar bilan muvofiqlashtirish zarur. Masalan, Statistik ma'lumotlar bilan ishlashda informatika fani o'qituvchilar bilan bog'lanish talab qilinadi.

3. Amaliy ishni tashkil etish maktab o'quvchilarini harakatlari tilida shakllantirilgan, aniq belgilangan maqsadga bo'y sunishi kerak.

4. Amaliy ish uchun topshiriqlar quyidagi shakllarda bo'lishi mumkin:

- qisqacha talablar ("kazus tuzing", "muayyan huquq soahasiga aloqador huquqiy manbalarini yig'ing");

- ko'rsatmalar va harakatlar rejalar ("mavzuga aloqador keyslarni jamoaviy tahlil qilinglar");

- "WENN diagrammasi" asosida qiyoslanayotgan obyektlarning o'ziga xos va umumiylar xususiyatlarini ochib bering;

- "BBB" metodiga asoslanib o'rgangan mavzulariga munosabat bildirish va h.k.

Mamlakatimizning hozirgi vaqtidagi statistik hisobotlarga e'tibor qaratsak, birgina 2022-yilda 10 289 ta mакtabni 442 893 nafar yoshlar hamda Akademik litseylarni 17 300 nafar, shuningdek kasb-hunar kollejleri 4052 nafar, barchasi jami 464 245 nafar bitiruvchilar hisoblanadi. 2022-yilda 1 214 232 nafar abituriyent Oliy ta'lif muassasalariga hujjat topshirgan. [5] O'rganilgan holatlar

tahvilidan shuni xulosa qilsak bo'ladiki, ta'lif tizimimizda huquqiy fanlar o'qitilishidagi uzviylik to'la ta'minlanmoqda deb ayta olmaymiz, albatta. Bunda bir qator quyidagi omillar ta'sir etmoqda:

- a) ayrim markaziy hududlarda pedagog kadrlarning qo'nimsizligi(Toshkent shahri);
- b) o'qituvchilarning malaka oshirishi tiziminining mayjud an'anaviy shaklga ega holati;
- c) o'qituvchilarda auditoriya uchun bu fanga oid bilimlar naqadar zarur ekanligini yetkazib berish mahoratining lozim darajada emasligi;
- d) ta'lif tizimimizda sinf va sinfdan tashqari dars mashg'ulotlari uchun moddiy-texnik bazaning yetarli emasligi yoki eskirganligi;
- e) ota-onalarning o'zlarini ta'lif subyekti sifatida ko'rmasliklari va jamoat tashkilotlari faoliyatining sustligi;
- f) ta'lif boshqaruvi tashkilotlari (ta'lif vazirliklari va ular quiyi bo'g'inlari) xodimlarining yetarli darajada tashabbuskor emasliklari, shu bilan birga ularning metodik manbalar bilan ta'minlash ishlariga loqayd qarashlari holatlarining mavjudligi va boshqalar.

Xulosa qilib aytganda, huquq fanlarini o'qitish metodikasi tizimida samarali natijalarga erishish uchun avvalo, yuqoridaq kamchiliklarni bartaraf etishga, shu bilan birga, ta'lif sifatini hamda bo'lajak kadrlar salohiyatini yanada oshirish uchun barcha ta'lif bo'g'inlari o'tasidagi o'zaro hamkorlikni ta'minlash lozim, deb hisoblaymiz. Zero, "Ta'lif sifatini oshirish — Yangi O'zbekiston taraqqiyotining yakkayu yagona to'g'ri yo'lidir". [7]

ADABIYOTLAR RO'YXATI

1. O'zbekiston Respublikasining "Ta'lif to'g'risida"gi Qonuni Yangi tahriri.
2. Ушинский К.Д. Собрание сочинений: В 11 т. - М., 1950. - Т. 5. - С. 355.
3. <https://stat.edu.uz/>
4. Ахутина Т. В. Психология, лингвистика и междисциплинарные связи: сборник научных работ к 70-летию со дня рождения Алексея Алексеевича Леонтьева. — М.: Смысл, 2008.
5. <https://t.me/Baholash.uz>
6. Ф. Бэкон, Соч. в 2-х тт, т.2-й, Примечания, указатели, М., «Мыслъ», 1972, с.548-549
7. O'zbekiston Respublikasi Prezidenti Shavkat Mirziyoyevning Oliy Majlis va O'zbekiston xalqiga Murojaatnomasidan. 20.12.2022-yil.